

欽定剿平粵匪方略

欽定勦平粵匪方略卷三百六十五 甲子年

三月初二日

壬寅

富明阿奏言二月十二日賊匪

由青山南牖等處攻撲江陰經總兵李正佩等  
擊退另股分竄浮橋直奔江口總兵李德麟等  
開礮轟擊復揮令參將張登三等率礮划船貼  
岸環攻斃賊甚多賊始潰遁又有馬步賊千餘  
名竄至新溝江口副將李定勳督隊攻擊賊愈

聚愈衆復經各船進擊斃賊無數賊始奔退探  
聞楊厓已於初六日失守福山亦於十一日失  
守常昭戒嚴此股逆匪係由宜荆常郡分竄而  
來類多薙髮閒有頂翎顯係冒充官兵現在淮  
揚水師已抵福山南路官軍進紮焦甸青陽合  
力殲勦伏思南逆分竄沿江東擾福山離巢甚  
遠焦甸乃其歸路旣經官軍截斷則該逆勢窮

益將狂竄且該逆假扮官兵難保不瀾跡北渡  
臣當飭吳全美等嚴訪確探並咨吳棠令藩司  
萬啟琛通飭地方文武兵團一體認真盤詰查  
南岸下游福山一帶有提督黃翼升一軍駐紮  
江陰口門有淮揚水師周國效專泊協剿現於  
黃田港添設礮划石牌港添撥紅單大船飭總  
兵李起高等嚴密堵遏其北岸之八圩港太平

洲等處亦添調礮船助守北岸陸路一帶現飭副將蔣臨照統帶各營分防靖江泰興副將劉成元統帶各營前赴四墩子七圩港土橋等處擇要分紮與水師聯絡策應昨准吳棠函稱擬調黃開榜一軍來江協剿臣當函復卽由吳棠徑飭該鎮師船前往通州沿江北岸一帶分段駐泊與江防艇師互壯聲威臣仍隨時與馮子

材函商如南岸有可乘之機卽派詹啟綸添撥  
兵勇渡江會剿

富明阿又奏言據副將刁經明稟稱二月二十  
一日率隊與鎮軍會攻北陵該逆高壘深濠恃  
堅固守突有丹陽援賊三四千人由西門擁擁  
而來當卽商同鎮軍以鎮營兵勇攻壘揚營兵  
勇迎敵並派馬隊分路包抄官軍奮勇衝突逆

勢不支紛紛潰退悉向石橋遁走我軍追趕過橋直至丹陽城下計斬擒及淹斃賊匪六七百名第援賊雖經擊退而北陵孤壘猶然負嵎現仍會合鎮軍晝夜環攻至白兔之賊議降後自將該營燒燬併歸寶堰旋據該賊會來稟實係真心投誠緣寶堰共有五營內僞賢王二營堅意不降是以退往寶堰與願降各營合攻僞賢

王逆壘以圖報效並將各降賊家屬輜重先行  
運赴鎮城其水湖賊壘二座亦將家屬送到鎮  
營於二十一日一律薙髮投誠等語查北陵逆  
賊雖經鎮營圍攻恐難力取現已派員查看如  
果急切難下卽將揚營所造落地開花礮趕緊  
撥解數尊以助攻勦

同日馮子材魁玉奏言鎮防西路如白兔寶堰



燕坡橋等處南路如博洛水湖村等處羣兇蟻聚臣等屢飭總兵張文德副將楊青山等相機剿撫先是燕坡橋頭目余經鳳等密有反正之約願率所部攻奪寶堰楊青山稟商張文德於二月十六日會同副將林從太由薛村進取白兔鎮該處介丹句之交賊聯築四壘槍礮林立我軍合力攻擣斃賊甚多次日復張兩翼環賊

營三市噴筒火箭更番擲射賊衆棄巢而遁我  
軍追斬數百名當將逆壘一律焚燬余經鳳等  
圍攻寶堰未拔楊青山帶兵接應行抵丁角村  
賊已由磨盤山下壓官軍乘勢掩殺殪賊數十  
名一面令降人李知春會合攻撲查寶堰係賊  
糧總匯之區逆首僞城王負固死守因飭燕坡  
橋降衆照常扼守堵截賊糧運道至南路水湖

博洛兩村夾峙馬陵距丹陽二十餘里賊巢深溝高壘互相犄角張文德面商副將刁經明進攻博洛牽制賊援副將沈萃田等左右夾擊賊匪負隅不出我軍拔樁填濠而進十八日張文德馳赴博洛令刁經明扼紮馬陵丹陽逆首陳聚城率黨數千來犯守備田興富敗之於時水湖頭目劉洸如李德蓉等震懼投誠懇請殺賊

自贖臣等當飭張文德等體察情形辦理又派  
總兵陶茂森等前往助剿二十一日陳聚城糾  
約勾容奔出死黨近萬分路來撲陶茂森刁經  
明各當一面張文德親督大隊迎剿楊青山繞  
後旁抄賊首尾不能兼顧奪路四竄林從太等  
躡蹤追擊直抵丹陽西門而返共斬賊首四五  
百級旋令馬步諸軍合圍博洛更番疊進逆黨

遂於二十二日縛獻賊首僞獻王王汝發開壘  
乞降當卽訊明梟示救出難民五百餘人並將  
該處賊營踏平南路馬陵一帶肅清伏思金陵  
常州之賊恃丹句爲屏蔽現在宜興溧陽相繼  
告捷逆氛併注鎮防勢處下游自應先固藩籬  
相機進止幸此次平毀西南逆壘勦撫兼施俾  
賊黨自相解體仍一面扼守根本與上游官軍

聯絡進取

同日李鴻章奏冒郭松林於正月二十七日由  
宜興拔隊進攻張渚沿途殺賊千餘二十八日  
易用剛等軍分三路抄擊生擒賊匪千餘名殺  
斃無算賊衆棄營遁走當將張渚賊壘十餘座  
一律踏平二十九日戈登由徐舍進攻沿途賊  
卡掃蕩淨盡侍逆李侍賢敗退溧陽欲遁入城

城中賊目吳人杰等久思反正閉門不納城內  
老賊先期竄往江西現留二三萬衆多係三江  
兩湖之人二月初一日吳人杰等率同薙髮迎  
降郭松林等立允招撫初二日遂將溧陽縣城  
收復戈登帶常勝軍入城駐守臣當飭李恆嵩  
等將降衆妥爲遣散分別安置李侍賢聞已逃  
往湖州四安一帶其所部死黨有帶赴湖州者

有竄往常州者郭松林等乘勝進剿金壇援賊  
初四日抵楊巷地方僞列王僞襄王率賊船千  
餘纒擁而來王東華督水師痛剿逆衆棄舟登  
岸郭松林督軍奮力抄襲殺斃淹斃並焚奪賊  
船無算陣斬僞列王及頭目多名各軍追至金  
壇南門初五日賊由西南門衝出復爲郭松林  
等擊敗入城城外賊卡數十座一律掃平常州



護逆先經糾合丹陽句容踞逆僞英王叔僞然  
王僞漳王忠逆之子衆號十餘萬由常西繞至  
城北築營數十座屢撲劉銘傳等營盤均卽擊  
退李鶴章商調楊鼎勳二營周盛波二營進偪  
西門紮營二月初一日護逆等率衆來撲經楊  
鼎勳等痛擊移時賊陣大亂我軍分路追殺斃  
匪數千人賊見圍城各營無聞可乘我軍愈偪

愈緊遂繞竄腹地圖解常國初四日僞英王叔  
忠逆之子糾合數僞王死黨及宜興溧陽敗賊  
循江岸迤東圩塘夏港青山一路冒雨急趨初  
五日奄至江陰之南牆距城二三里初六七等  
日衝至周莊華墅楊庫等處初十日竄撲常熟  
縣城十一日竄至福山於是江陰常熟無錫三  
城同時告警臣卽調郭松林王東華星速回援

飭常州各營堅壁勿戰調李鶴章酌帶小隊回  
守無錫楊鼎勳張樹聲由常州抽勁旅三千橫  
紮江陰之焦甸青暘以截該逆歸路黃中元兩  
營由宜興回援並以常熟守兵單薄飭程學啟  
調鄭國魁水陸三營馳往助戰一面由蘇州添  
派官兵趕赴常熟保此要地賊股併聚三縣界  
內而常熟圍攻尤急蔓延張涇橋東亭直撲無

錫十三日李鶴章登陴督守派黃中元等帶隊  
迎勦追過八字橋二十餘里擒斬千餘人郭松  
林帶馬隊分擊堰橋另股又斃百餘名無錫之  
圍遂解張樹聲由焦甸進勦南牖花山一帶楊  
鼎勦由青陽進勦都橋華墅一帶日有擒馘初  
八初九十二等日該逆圍撲江陰經守將略國  
忠等合力擊退城圍亦解逆衆以常熟有糧可

掠欲合力攻破此城再圖蘇錫北自楊庫福山南至顧山王莊縣互數十里城中望援甚急適黃翼升帶淮揚水師四營由揚州折回留一營協守江陰口親督三營於十四日由白茅口繞進常熟王東華水師三營亦至鄭國魁與李昭慶十五日起至常熟城內郭松林由嚴家橋進內外夾擊賊衆大潰李昭慶飭賈宏材等猛攻

北門賊壘燒斃悍賊數百名生擒數十名我軍  
乘勢踏平東門賊壘五座郭松林十六日行至  
王莊僞滕王僞利王二三萬衆迎敵郭松林領  
隊衝入賊敗至橋口官軍一擁過橋賊衆返奔  
追殺二十餘里將顧山陳市踞賊一氣掃除復  
由大河徑趨常熟僞英王叔與忠逆之子帶隊  
來撲我軍槍礮環擊該逆敗至浮橋黃翼升等

水師四路夾擊將逆衆衝作數段拾斬無算追至城西又與鄭國魁等併力截勦賊紛紛潰散十七日乘勝跟追踏毀劉家橋福山賊壘數座郭松林等遂循江岸追往楊厘鄭國魁等循顧山追勦腹地常熟之圍立解查金陵於正月杪合圍忠逆實在城內曾國荃函稱逆糧接濟已斷三四月間可望克復現在常州丹句各股與

金陵消息難通郭松林等連復宜興溧陽則皖  
浙道路又無可竄是以乘隙死力衝突幸各軍  
分守尙嚴赴援甚速冀可保全大局現仍飭黃  
翼升等前後夾勦務將此股敗賊悉數殲除李  
鶴章劉銘傳再乘勝偪攻常州迅期得手陣亡  
副將劉起等均懇

恩飭部從優議卹



李鴻章又奏言嘉興官軍連破東北門外賊壘  
後程學啟等先令道員吳毓芬三營扼紮城邊  
漏澤寺石卡正月二十八日程學啟親督各營  
圍攻一面趕築礮臺用炸礮轟塌城垣十餘丈  
城賊絆死抗拒程學啟揮軍冒險擁上賊以整  
桶火藥燃擲城下何安泰中槍陣亡弁勇傷亡  
已數百名遂仍收隊適湖州賊酋黃老虎糞援

嘉興竄西蕩壇邱等處另股由卯塔內竄盛澤  
鎮進圍王江涇後路營盤程學啟急令王永勝  
鄭國魁等同援於二十九日擊走之查嘉興四  
面大河環繞該逆恃險死拒此次猛攻幾可得  
手以將士傷亡過多不得不略爲休息礮臺礮  
架均須修築程學啟仍督隊晝夜轟擊以期速  
拔堅城總兵何安泰係程學啟所部最爲出色

之將謀勇兼裕因攻城過猛中槍殞命實堪悼  
惜該總兵愛民恤士陣亡之日勇丁痛哭靈輦  
所過百姓泣送現據紳士等呈請建立專祠合  
無仰懇

天恩飭部照提督陣亡例從優議卹並於嘉興府死  
事地方建立專祠以慰忠魂副將郭興發堵剿  
湖州援賊受傷身故並懇

飭部照副將陣亡例議卹

李鴻章又奏言正緒摺開據程學啟飛報連日督隊進攻嘉興自二月十六日起滾營紮偏北門城根猛攻三晝夜用開花大礮轟塌城垣十餘丈我軍搶搭浮橋城頭悍逆拌死堵擊礮石如雨十八日程學啟親率勇士大呼殺入衆隊繼進城上逆屍枕藉猶有悍賊二三千人以洋

槍排抵缺口程學啟肉薄以登猝中槍傷暈倒  
該部將劉士奇等見主將受傷拌死率隊登城  
縱橫奮擊賊衆潰散遂將嘉興府城克復各軍  
整隊而入將守城悍逆圍殺淨盡弁勇傷亡亦  
多程學啟受傷甚重急送至蘇城就醫臣親往  
看視飭醫盡心調治派員照料並令劉秉璋布  
置城守事宜暫飭劉士奇等協力防剿均奏入

上命議政王軍機大臣傳諭富明阿吳棠李鴻章馮  
子材魁玉曰逆衆攻撲江陰未得逞志另股紛竄  
浮橋直奔江口經李德麟等開礮轟擊賊始敗遁  
並據探聞楊庫福山先後失守常昭戒嚴現在淮  
揚水師已抵福山南路官軍進紮焦甸青陽合力  
兜剿此股賊匪鋌而走險奔突靡常現旣薙髮冒  
戴頂翎難保不假充官軍冀圖溷跡江北地屬完

善富明阿已派兵分防水陸兩路並知照吳棠飭屬一體盤詰所籌均尙周妥福山一帶有黃翼升水師駐紮諒可無虞其江陰等處要隘口門防守是否嚴密著富明阿吳棠嚴飭各軍認真防剿程學啟帶兵素稱得力此次賊陷福山忠逆如在其內李鴻章正可抽調程學啟並得力各軍截其歸路設計擒獲則賊勢瓦解未復各城自成破竹之

勢吳棠擬調黃開榜一軍入江協勦著卽飭令統帶師船前往通州一帶沿江分段駐泊與江防艇師互爲聲援富明阿所奏刁經明收撫白兔降賊其白兔及水湖降賊家屬輜重均先送往鎮城一律薙髮投誠等語與本日馮子材所奏攻取白兔該匪棄壘而遁各情不甚相符仍著富明阿馮子材加意防範勿稍大意並著馮子材魁玉卽督諸



軍攻拔寶堰賊巢其南路博洛水湖業經攻克馬陵一帶肅清官兵可徑達丹陽本日據沈葆楨奏獲賊供稱丹陽溧陽之賊亦已上竄江西富明阿奏賊又分陷福山楊庫著卽相機進取以期節節掃蕩並隨時咨商富明阿調派各軍聯絡聲勢揚營所製開花礮係攻堅利器並著趕緊運赴鎮防以資得手正寄諭閒李鴻章奏官軍收復溧陽敗

賊竄併常州西路圍撲江陰常熟無錫各城各軍  
援勦次第解圍連獲大捷並程學啟督軍攻克嘉  
興等語覽奏欣慰逆衆乘隙內竄冀圖死灰復燃  
幸各軍防守甚嚴該逆受創而去侍逃逃往湖州  
四安一帶難保不再圖大逞仍當飭令在事各員  
實力嚴防其楊厓等處之賊是否尙在盤踞著飭  
黃翼升郭松林等前後夾剿務將此股敗賊悉數

蠲除勿留餘孽李鶴章劉銘傳卽飭乘勝偪攻常州以期一律削平嘉興已復餘匪飭卽就地掃除湖州援賊黃老虎等被擊回遁卽著督令李朝斌等會同浙軍設法進取程學啟受傷甚重其督軍奮勇深堪嘉尙務當妥爲調治冀速就痊

上諭內閣曰江蘇官軍自攻克宜興後郭松林等地攻溧陽沿途掃蕩而前賊目吳人杰等率衆投誠

當將縣城收復官軍乘勝進剿金壇將城外賊營  
賊卡一律埽平時常州各處援賊撲犯江陰常熟  
無錫等城悉經防兵擊敗江陰無錫次第解圍賊  
衆竄併常熟郭松林等併力夾擊常熟之圍立解  
剿辦尙爲得手著李鴻章督飭諸軍乘勝追剿務  
將敗匪悉數殲除毋留餘孽此次出力員弁著李  
鴻章擇尤保獎陣亡之副將劉起黃式壽都司張

集賢堂 卷之三  
榮魁守備彭昌諭劉桂芳劉維聰千總顧仲學把  
總唐志同外委徐自成廖學宏額外胡慶雲均著  
交部從優議卹

上又諭內閣曰嘉興官軍連破東北門外賊壘後程  
學啟等督隊偪城猛攻轟塌城垣十餘丈官軍奮  
力攻擊程學啟肉薄以登致被槍傷該部將劉士  
奇等各捨命率隊登城縱橫擊刺賊衆潰散各軍

整隊而入城內悍逆圍殺淨盡遂將嘉興府城克復此次程學啟冒死血戰身受重傷用能攻拔堅城埽除巨逆其志可嘉其功尤偉著李鴻章傳旨嘉獎令其安心醫治以冀速痊仍著該撫詳查勞績奏請獎敘其尤爲出力之將領各員並著查明一併請獎陣亡總兵何安泰謀勇兼優中槍殞命深堪悼惜著照提督陣亡例從優議卹並於嘉興

府死事地方建立專祠以慰忠魂副將郭興發受傷身故亦堪憫惻著照副將陣亡例議卹

李鴻章又奏言提督銜福山鎮總兵鞠耀乾統帶艇船駐紮福山初聞賊警臣卽飭帶兵扼紮

海口石壘並以所部估捷等艇護守藉遏游氛二月十一日賊股猝至乃以衆寡不敵立即潰退並被賊奪去艇船二隻殊屬畏葸無能惟該

總兵熟悉海面情形從前協勦鎮江瓜州尙屬  
著有微勞可否請

旨革去提督銜開缺以江南水師參將降補奏入

上諭內閣曰提督銜江蘇福山鎮總兵鞠耀乾統帶  
艇船駐紮福山乃當賊股猝至因衆寡不敵立即  
潰退並被賊奪去艇船實屬畏葸無能惟該員熟  
悉海面情形從前協勦鎮江瓜州尙有微勞鞠耀



乾著革去提督銜開缺以江南水師參將降補用  
示薄懲

同日沈葆楨奏言賊匪竄入金谿縣城道員席  
寶田冒雨疾進由安仁渡河二月初九日馳抵  
竹橋去金谿二十二里席寶田以兵勢甚單如  
稍示弱必爲所乘遂誓師決戰派守備魏玉彩  
等分左右中三路進攻自督都司金國泰等前

往策應左右路之賊不意我軍猝至豕突狼奔  
我軍縱橫搏擊斬敵各以千計賊望風披靡城  
外一律肅清中路之軍由揚芳橋埽蕩而入乘  
勝直偪城根城中突出悍賊萬餘副將邊曉堂  
等衝盪數十次斃賊極多賊大股突從城東繞  
出守備張宜道等均受矛傷金國泰腹被重創  
猶大呼陷陣賊爲辟易邊曉堂等斬其前鋒賊

匪數十名另股又由城東欲抄官軍後路適右  
路之軍馳至會同夾擊賊遁入城計前後斃賊  
三千餘人生擒二百餘人救出難民甚多金國  
泰受傷甚劇旋即殞命十一日偵知城賊震懼  
欲遁席寶田督飭全隊併力攻城賊衆膽落奪  
門逃遁我軍四面截擊斬馘數百名立將城池  
收復查席寶田謀勇兼資軍民愛戴疾馳數百

里冒雨血戰迅復堅城厥功甚偉應如何

獎勵之處伏候

聖裁其所部將士奮勇爭先可否懇

恩准臣擇尤請獎陣亡都司金國泰前因疊克堅城  
擬保副將合無仰懇

飭部照副將例從優議卹並

加恩予諡擬保千總張青連等均請

飭部從優議卹

沈葆楨又奏冒沛逆一股自初九日敗後知撫  
州不可犯頭股潛趨建昌臬司劉于潯飭飛划  
營進援十二日駛至萬年橋沿途與衝鋒營在  
石門擊賊各有斬獲衛民軍亦擊賊於金竺山  
各營兵勇悉爲響應與飛划營分護橋道十三  
日賊匪分股繞越上游一股從城南之石頭港

口擄民船數十搶渡一股從城東之圭峯渡拆  
毀民屋搭造浮橋一股仍攻萬年橋使我應接  
不暇守備楊錦斌以衛民軍馳至港口賊過西  
岸已數百人官軍排槍環擊斃賊百餘名餘賊  
蒼黃上船我軍追擊賊棄船梟水遁去淹斃無  
數各勇卽用賊船徑渡追至十里山又撿斬數  
十人其圭峯渡浮橋經官兵儘數焚燬攻萬年

橋之賊亦經擊退斃賊數十名十四日賊瞰我軍分扼上游各渡遂全力攻撲萬年橋卡勇潰退楊錦斌聞信馳至賊過橋者已數千人洋槍兩集楊錦斌分三路接戰王耀亮戰船亦飛漿直下水陸各勇苦戰逾時斃賊數百賊扼橋而守楊錦斌以流星鎗擊斃紅衣賊目一名羣逆大潰遁入山谷其僞王宗一股尙踞白港蔓延

瀘溪卽席寶田痛勦於規橋頭者也十五日席  
寶田與劉勝祥分路進勦該逆翻山而遁現計  
建郡可以無虞惟該逆將越新城而西臣已檄  
令總兵普承忠由宜黃進至廣昌南豐相機扼  
守飭席寶田督軍分道緊追使該逆無可駐足  
沈葆楨又奏冒據席寶田稟稱疊訊賊供句容  
金壇宜興之賊未動溧陽股匪實已悉數上犯



侍逆後路僅留四僞練王入江者前股爲幼沛  
王譚逆所統次股爲僞王宗諸李等逆所統合  
計衆近十萬幸侍逆未至心志不齊江省兵力  
漸集大局不致決裂惟是賊衆且悍若不遽就  
殄滅鋌而四散福建廣東湖南必將受其流毒  
等情除已飛咨各鄰省趕緊堵禦外相應請

旨飭下福建廣東湖南各督撫

臣

迅飭地方文武合

力嚴防以杜竄越而保全局奏入

上命議政王軍機大臣傳諭曾國藩左宗棠毛鴻賓  
沈葆楨徐宗幹惲世臨郭嵩燾曰髮逆竄陷金谿  
原欲踞守以待侍逆經席寶田攻克後該逆知撫  
郡不可犯遂潛趨建昌復被劉于濤等力扼萬年  
橋要隘賊不得逞遁入山谷其僞王宗一股聞席  
寶田與劉勝祥進剿亦由白港翻山而遁此時建

郡諒可無虞但逆衆尙未殄除豕突狼奔廣昌南  
豐等城在在可慮著沈葆楨嚴飭普承忠督率兵  
勇由宜黃相機前進迎頭截擊毋令該匪深入擾  
及完善並飭席寶田等緊躡賊蹤前後夾擊僞王  
宗一股尙踞白港蔓延瀘溪將越新城西徧閩境  
著左宗棠徐宗幹卽派得力弁兵嚴密堵剿毋令  
蔓延貽患溧陽業經克復該匪悉數上竄侍逆後

路留守者僅四僞練王入江各股衆近十萬惟因  
侍逆未至心志難齊江省兵力漸集大局不致決  
裂惟鋌而四散則福建廣東湖南恐將受其流毒  
著毛鴻賓郭嵩燾惲世臨分飭所屬豫籌防剿以  
備不虞張運蘭一軍計已啟行赴閩左宗棠等當  
酌度緩急調派該臬司扼要嚴防劉典所募之勇  
應已成軍著惲世臨催其由江前進遇賊卽擊以

通鑑紀事本末卷之二十三  
三  
遇該匪西竄之路曾國藩前奏溧陽已克楚滬各  
軍聯絡一氣卽著飭令鮑超等規取廣德以分賊  
勢侍逆如有上竄信息該大臣尤當分飭皖南諸  
營沿途堵截斷不可令其竄入江境左宗棠仍當  
扼守徽嚴各隘口俾該匪不能接續南竄則竄江  
之匪自不難剋期撲滅

上諭內閣曰髮逆闖入金谿經道員席寶田帶兵馳

援分路攻擊立將縣城克復勦辦甚爲得手道員  
席寶田在江西帶隊疊著戰功茲復迅速馳援克  
復城池實屬異常出力席寶田著交軍機處存記  
遇有按察使缺出提奏在事出力員弁著沈葆楨  
擇尤保獎陣亡之擬保副將都司金國泰與賊接  
仗身受重傷猶復裹創陷陣因傷殞命深堪憫惻  
金國泰著交部照副將例從優議卹並加恩予諡

以慰忠魂擬保千總張青連擬保把總蘇世揚楊祖志均著交部從優議卹

同日劉蓉奏冒城固敗匪多趨西鄉一帶我軍會合環攻二月二十五日曾克勝等馬隊先至十里鋪遙見村中火光知賊隊將遁遽分三路衝入賊衆狂竄我軍乘勢跟追截殺八百餘人生擒百餘人城賊繞路下竄各軍整隊入城搜

捕餘匪一面分隊馳追該逆竄抵白家壩經官  
軍截殺數十人追至渭門地面復殲斃二三百  
人查此股逆匪實計二十六七萬人自上年十  
月以來金陵圍急洪逆屢趣赴援而各酋意見  
參差逮臘月初旬聞我軍三路會剿之謀該逆  
始行震懼合謀圖赴金陵本年正月間褻沔諸  
逆陸續竄動相率併趨甯陝臣本期於三月間



分三路大舉破賊不意各軍多爲牽掣但能嚴  
護省城所以逆匪東趨竟成輾長莫及之勢探  
報僞天將馬仕榮尙在安康北境游弋而藍逆  
一股又由鄖西回竄洵陽之蜀河此賊多係川  
匪其志總圖回竄臣現咨商四川督臣駱秉章  
請留蕭慶高何勝必兩軍駐紮興安相機防剿  
至臣新募楚軍三千人已檄令由城口廳取道

甄坪徑趨商州扼要堵剿臣現將漢南善後事宜布置就緒卽徑赴西安接篆與司道熟籌整頓奏入

上命議政王軍機大臣傳諭略秉章劉蓉李雲麟曰劉蓉收復西鄉此股髮逆因回援金陵一意東竄而僞天將馬仕榮尙在安康北境游弋藍逆又由鄖西竄及洵陽之蜀河難保不意圖回竄劉蓉擬

留蕭慶高何勝必兩軍駐紮興安所籌係爲川陝  
兩省門戶起見著駱秉章卽飭蕭慶高等扼要駐  
紮相機防剿劉蓉新募楚勇三千人現今徑趨商  
州堵剿正可攔腰截賊不可徒事尾追且須兼顧  
鄖防毋得稍分畛域昨據張之萬奏髮逆已竄內  
鄉等處是楚豫兩省防剿萬緊前諭劉蓉令其東  
下追賊以收夾擊之效該撫擬欲進省接篆固爲

整頓起見惟賊匪未受大創安然出境若無大員  
總統進剿恐復鬆勁又將回竄陝疆其漢南防務  
布置是否周密如該撫已赴西安卽著將應辦事  
宜迅速籌畫仍察看賊勢軍情出省督兵毋稍延  
緩李雲麟扼守興安何以任賊東趨不思扼擊著  
懍遵前旨妥籌會剿

欽定剿平粵匪方略卷三百六十六 甲子年

三月初三日 癸卯 李鴻章奏冒前任江蘇巡撫徐

有壬於咸豐十年四月間賊倡蘇城力籌守禦  
嗣因逆衆麕至省垣失陷正在督隊迎剿賊已  
直撲內署力不能禦被刀刺帽將墜尙手自整  
冠抗聲大罵立時遇害其族弟工部主事徐曾  
庚幕友候選理問鮑鄂銜家人楊安同時被戕

次子候選郎中徐震翼投池水死妾施氏女淀  
姑均自縊僕婦劉氏裴氏亦俱焚死當經前兩  
江總督何桂清等奏明奉

旨分別旌卹今蘇城克復其長子同知徐震耀赴蘇尋  
求遺骨備棺重殮臣查徐有壬由進士部曹外  
擢道員洊陞藩臬兩司旋陞授江蘇巡撫服官  
數省皆有政聲爲人嚴厲自持有爲有守當江

南軍潰丹陽繼陷常州棄逃人力無可挽回惟  
有一死自靖無愧封疆守土之義且閭署相從  
殉難忠孝節烈正氣猶存合無仰懇

天恩准於蘇州建立專祠其同時殉難之家屬幕友  
人等一併附祀以彰忠藎並宣付史館立傳出  
自

鴻慈再徐有壬僅二子次子震翼從死撫署長子正

三品廕生候選同知徐震燿當時留籍辦理團防未及於難今得爲有壬收骨孤露餘生亦堪憫惻奏入

上諭內閣曰前任江蘇巡撫徐有壬於咸豐十年四月在蘇州省城殉難當經奉

旨照巡撫例賜卹並

加恩予諡家屬幕友均交部分別旌卹茲據李鴻章奏



稱該故員服官數省所至皆有政聲在江蘇巡撫  
任內臨難捐軀無愧封疆守土之義徐有壬著再  
加恩准其於蘇州省城建立專祠其同時殉難之  
家屬幕友人等一併附祀以彰忠蓋其平生事蹟  
並著宣付史館立傳伊子正三品廕生候選同知  
徐震耀著吏部帶領引見

初五日乙巳徐宗幹奏冒接督臣左宗棠咨稱廣

德踞匪欲由皖南竄江西福建回粵浦城爲閩  
浙通衢與江西之廣豐毗連亟應派兵扼紮囑  
臣調兵一千名委已革參將蔡潤澤帶往駐紮  
以資控禦等因查蔡潤澤出洋巡緝未能剋期  
到防當飭總兵袁良帶本標精兵四百名就近  
馳赴浦城一面檄調金門鎮標兵二百名同安  
營兵三百名俟蔡潤澤回省星夜督帶前往並

飭知府張文斌招募壯勇數百名併交袁良調遣現在賊匪由江蘇溧陽竄至皖省廣德建平卽由績溪甯國竄入浙省昌化遂安開化境內賊衆號稱十餘萬現已竄至江西德興樂平等處又有另股二萬餘賊欲犯建昌伏思閩省崇安光澤邵武等處及汀州府屬均與江西連界前因浙東肅清西路防兵早經裁撤辰下賊蹤

飄忽猝不及防閩浙交界關隘甚多現委道員  
張啟煊馳往建甯會同袁良探明賊蹤督率團  
勇分路布置並飭都司羅洪標等各率所部聽  
候張啟煊調遣並分飭各屬文武聯絡民團扼  
守要隘奏入

上命議政王軍機大臣傳諭左宗棠徐宗幹曰賊匪  
因江浙兩省不得逞志圖竄閩疆人數甚衆閩省

與浙江江西毗連處所甚多徐宗幹派出之兵恐  
尙形單弱張文斌所募壯勇倉猝湊集亦未必卽  
能得力著左宗棠徐宗幹仍於浙江江西接壤福  
建地方嚴密堵禦如兵力不敷應如何添派勁旅  
擇要扼守之處並著妥籌辦理前諭左宗棠等將  
曾元福所部兵勇派赴邵武一帶著飭該員星速  
前進以厚兵力張運蘭一軍當已在途並著飛催

趨行迅回閩省俾資攻剿

初六日丙午僧格林沁奏言擒匪張總愚一股盤

踞南召一帶倚山負固臣前派提督傅振邦督帶步隊前往會剿頃聞賊匪向西北山中竄至嵩縣屬之龍王廟地方有奔黑峪樂川之信該處係亂山之中馬隊不能進擊翼長蘇克金現移往魯山嵩縣一帶堵禦又據探報髮逆於二

月初十十一等日竄至西坪地方該處係入西  
峽口大道並有水路之賊自漢中沿江直下若  
過鄖陽指日可到老河口是鄧州新野亦屬喫  
緊捻匪陳大禧一股又於十三日竄至襄陽所  
屬之榆山一帶欲向樊城老河口奔竄而髮逆  
又復東來難保不勾結爲患查皖境已就肅清  
臣原擬俟撫臣喬松年到皖將善後事宜面爲

籌商後再行統軍赴豫該撫臣現尙未到臣祇得先其所急於二月二十六日分撥馬隊起程作爲頭起臣卽帶領後起馬隊赴豫先至許州一帶相機探勦儻該逆仍踞山谷惟有派撥步隊進攻令馬隊紮於許州以南平闊地方俟誘其山山方可抄擊惟臣營步隊兵勇不敷調遣已於皖省投誠勇丁內選擇一千名帶豫隨勦



同日曾國藩奏言金陵首逆並未出城猛撲僅  
於水西旱西兩門放山老幼婦女萬餘人爲節  
省米糧之計曾國荃亦悉心布置杜其衝突鮑  
超東壩之師久無戰事臣當檄令分營進取句  
容丹陽一帶如克復句容卽以全軍駐守專防  
金陵城破後冒死外竄之賊不令貽患他省廣  
德州踞匪亦以糧盡棄城遁歸湖州目下湖州

羣匪闔集皆思上犯江西以覓生路幸左宗棠  
派軍扼防瀘安遂安華埠等處甚爲周密臣亦  
嚴飭徽甯各防聯絡要擊其業經內竄江西者  
二月初九日席寶田馳勦金谿獲勝十一日收  
復縣城賊乃由瀘溪潛向建昌十二三四等日  
該郡水陸防軍在萬年橋等處三戰三捷十六  
日楊錦斌於郡南小挫一次韓進春於郡東獲

勝一次十八日賊撲附城各營席寶田會同韓  
進春等軍併力迎勦賊衆大敗有此一捷當可  
保全腹地完善之區沈葆楨又添調繼果營一  
軍回顧撫建或可驅除出境惟據席寶田稟撫  
建股匪人數實有八九萬衆未可輕視應請  
旨飭下閩粵兩湖一體嚴防免致變成流寇又煩兵  
力前奉

諭旨飭派楊岳斌戰船數百號駛赴鄱陽湖並將江  
忠義舊部歸其統帶查刻下賊由建昌退聚堯  
港近偪南豐在鄱湖之南五百里江忠義舊部  
精捷一軍駐守婺源新建等處又在鄱湖之北  
四百里均非水師所能兼顧江西水師有劉于  
潯孫昌國二軍儘數分布而精捷一軍業經奏  
調江忠朝統帶撥報起程來江亦未便另派大

員兼統是楊岳斌師船駛至上游無裨於江西防務似不若仍紮金陵江面尙可斷接濟而防竄越

同日署山西巡撫沈桂芬奏言據探漢南髮逆於鎮安山陽屬境分股東竄已至內鄉鄧州等情查南陽一帶現經僧格林沁派副都統蘇克金統帶馬隊馳往堵禦恐該逆避兵而行難保

不分投竄逸晉邊與河陝各屬僅隔一河臣惟  
有相機設防並飭沿河將弁加意梭巡不敢稍  
涉疏懈均奏入

上命議政王軍機大臣傳諭僧格林沁官文曾國藩  
嚴樹森張之萬沈桂芬劉蓉李雲麟曰擒匪張總  
愚竄至嵩縣屬之龍王廟有奔黑峪樂川之信髮  
逆竄至西坪並有水路之賊自漢中沿江直下陳

大清一股竄至襄陽所屬之榆山一帶欲向樊城  
老河口奔竄僧格林沁恐各匪勾結爲患已親統  
全軍赴豫先至許州一帶探勦所籌深合機宜著  
卽督同蘇克金傅振邦等誘賊出險先將此股殄  
滅以次削平羣寇張之萬督飭地方文武團練協  
同勦辦均聽候僧格林沁調遣漢中賊匪沿江而  
下較旱路尤爲剽疾若過鄖陽指日可到老河口

鄧州新野均屬緊要張之萬當抽撥兵勇嚴防毋  
任闖入勾合爲患此股竄賊既有到老河口之說  
陳大禧一股亦欲由樊城老河口奔竄是楚北防  
務甚緊何以未據官文等續報情形著官文嚴樹  
森飭令將士晝夜防範儘兵力不敷應卽相機籌  
調樊城一帶儘須水師防剿亦應一併籌派不可  
稍有疏虞漢南髮逆東竄恐因豫省有大軍堵截



避兵而行或竄晉或回陝俱在意中沈桂芬仍當認真設防劉蓉李雲麟當派兵出境會剿不得以驅賊出境遂可卸責劉蓉仍察看軍情賊勢剋日出省督剿以資得力鮑超東壩之師久無戰事曾國藩檄令進取句容丹陽如復句容卽以全軍駐紮專防金陵城賊外竄所籌亦甚周密本日已諭令富明阿馮子材等酌量派兵惟東壩爲江浙門

戶現在廣德踞匪歸併湖州皆思上犯江西沈葆  
楨設防嚴密賊不得逞難保不回竄廣德由東壩  
圖援金陵鮑超一軍自當力保東壩方能進取現  
在廣德已經收復應卽派兵駐守以防賊匪復踞  
該大臣請飭閩粵兩湖一體嚴防免成流寇前已  
諭令毛鴻賓惲世臨徐宗幹嚴密堵禦著官文嚴  
樹森一體豫爲防範以免疏虞江忠朝業已起程

楊岳斌水師卽著毋庸上駛仍飭於江面嚴斷濟  
賊之路金陵城大而堅圍攻不易誠恐各營將士  
心志難齊曾國藩能否親往督辦俾各營有所稟  
承以期迅速奏功並著酌度辦理

上又命議政王軍機大臣傳諭富明阿馮子材魁玉  
曰曾國藩奏鮑超東壩之師久無戰事檄令分營  
進取句容丹陽前據富明阿奏丹句二城非厚集

兵力不能埽蕩已派層啟綸帶兵前赴鎮營與馮  
子材等妥籌會剿是揚防鎮江之師亦以規復丹  
句爲已任現在鮑超一軍業已分營進取正宜乘  
機兜剿以期迅拔堅城著富明阿馮子材魁玉速  
派得力將弁各率所部或進攻句容會同鮑超兩  
面夾擊或分攻丹陽俾賊匪有所牽制則剿辦亦  
易得手富明阿等務當酌量情形相機妥辦仍一

面將城防江防各事宜布置妥協再圖進取

初七日

丁未 惲世臨奏言西路黎平髮逆盤踞四

寨勾結各匪偪脅居民渡河回竄粵西古州等

處周洪印等軍由黎屬羅里司前進臣所謂之

參將彭炳武等兩營於二月十三日由靖屬平

蘭前進又派總兵金太文迅速募勇馳赴古州

會剿現疊准江西撫臣沈葆楨來咨金陵之賊

分大股上竄取道皖浙邊界繞玉山廣豐侵入  
撫建地界查湖南東邊與江西毗連防兵實形  
單弱臣當飭援黔之總兵王永章一軍星夜折  
回移紮衡州兼顧各路並飭臬司趙煥聯等探  
明賊蹤聯絡策應臣維髮逆屢敗之餘氣已就  
衰此時杭州金陵圍攻正緊其竄擾江西計在  
牽動圍城之師沈葆楨調道員王文瑞募勇入

江閩浙督臣左宗棠調臬司劉典募勇自江入  
浙臣俱分別借發軍裝行資催令趕緊料理但  
能力保江西腹地該逆無從逞志江浙後路不  
至中梗勦辦當易爲功奏入

上諭曰髮逆上竄行蹤剽疾且賊類衆多憚世臨當  
慎固封圻力遏竄越不得因王文瑞劉典等募勇  
入江可保江西腹地遂形鬆懈

初九日酉己李鴻章奏言官軍攻克嘉興府城前

經臣將大略情形奏報現據程學啟等縷晰呈  
稱我軍自附城倡紮後僞榮王廖發受僞挺王  
劉得功率衆數萬死守復勾結湖州悍逆黃汶  
金卽黃老虎四山竄撲二月十五六等日程學  
啟與李朝斌等飭水陸各軍四面分攻於沿城  
河邊添築月牆數座各軍自此環攻晝夜不息



十七日程學啟自率親兵用開花大礮擊毀城頭礮臺二十餘座轟塌城垣百餘丈賊仍負土掩塞更番死抗十八日湖州黃逆陡率大股萬餘由新塍直撲我軍後路程學啟攻城正急分飭張家瑜等督師擊走之城上賊漸不支程學啟嚴催各軍豎梯登北門城悍賊湧至抵禦我軍多有傷亡程學啟憤極自督親兵躍過浮橋

飛登當被洋槍打入左太陽偏後昏暈撲地劉  
士奇王永勝等急率隊以木筏分渡直抵西北  
兩門陳有昇等均被槍傷裹創奮進適礮轟燒  
城中火藥房賊衆駭亂劉秉璋潘鼎新各率所  
部乘勢越過城濠槍入東門甕城李朝斌亦抽  
水師登岸由南門踰牆而進榮逆猶率兩廣老  
賊數千人巷戰各軍奮勇擊殺斬首五千餘級

餘賊思由西門出遁經陳有昇等與李朝斌水師攔擊分投截殺城內悍逆悉就擒誅僞挺王劉得功爲殲轟斃僞榮王廖發受逃匿井中搜山訊明梟示遂於十八日申刻克復嘉興府城二十一日劉士奇等復將黃老虎援逆屯踞新塍四亭子一帶賊卡賊壘踏平該逆全數遁回湖州查嘉興府爲東南財富之區域堅池深糧

多賊悍榮逆等聚衆死守又恃有湖逆黃老虎  
外援使我軍腹背受敵程學啟自埽平東北門  
外堅壘多座一面分勦援賊一面率衆環攻誓  
死必克始得迅拔堅城盡殲悍黨從此蘇滬之  
防漸固而杭逆糧路已絕羽翼益孤於大局似  
有裨益程學啟出奇制勝忠勇謀略實過尋常  
編修劉秉璋身先士卒堅忍耐苦該二員

臣未

敢擅擬應請

旨優加獎勵署江南提督總兵李朝斌常鎮通海道  
潘鼎新均擬請

旨交部從優議敘

李鴻章又奏言據探杭州府城於二月二十三  
日經浙軍攻克所有石門縣及湖州踞賊浙師  
自應乘勝攻取臣暫令劉秉璋留守嘉興潘鼎

新分守海鹽乍浦平湖各城俟浙軍克復石門  
分兵替防臣卽可併力勦辦蘇境之賊前因常  
州丹陽竄擾江陰常熟潞匪經郭松林等四面  
兜剿歸路已斷惟賊衆尙有二三萬屯踞楊庫  
周莊花市沙山一帶屢欲奪路衝突均被張樹  
聲攔頭擊回必須添調勁旅合力堵截以期早  
就殲除程學啟受傷極重幾至不起幸服藥稍

有轉機所部各營現飭劉士奇王永勝暫爲代  
統挑派精銳馳赴西路會合郭松林等攻剿楊  
厘竄匪俟將此股擊退再乘勝會攻常州

同日沈葆楨奏言窺伺建昌賊匪經官軍擊敗  
後潛踞城東二十里之小嶺韓進春偕建昌兵  
勇追剿至洪門山賊遁踞黃源村乘夜由硝石  
上游渡河繞竄新豐上塘等處十七日賊偏城

南經韓進春擊退十八日該逆悉銳三萬餘人  
犯精毅營席寶田令各營散伏左右密約韓進  
春等分路擣虛該逆先犯中前後三營四面伏  
起縱橫盪決殺賊二千有奇該逆猶折回猛撲  
韓進春等已將賊館節節掃蕩旁抄而出賊大  
驚潰追奔四十里十九日韓進春進紮上湖營  
壘甫定賊乘夜涉河撲營復被我軍擊退二十



日賊竄凭港去建城九十里蔓延於新城南豐  
各鄉前旗已入廣昌界訊據賊供該逆注意撫  
建今屢撼不動思由甯都窺贛州署贛南道蔡  
應嵩等已添招勁勇布置城守席寶田統率劉  
勝祥等營向南豐留韓進春於上湖以杜回竄  
均奏入

上命議政王軍機大臣傳諭曾國藩左宗棠李鴻章

沈葆楨曰杭州省城據探業經浙軍攻克想左宗  
棠必已奏報在途所有石門縣及湖州踞賊浙師  
可以乘勝攻取李鴻章暫令劉秉璋留守嘉興潘  
鼎新分守海鹽乍浦平湖各城其前由常州丹陽  
竄抵江陰常熟股匪經郭松林等兜剿斷其歸路  
惟賊尙有二三萬衆屯踞楊厠一帶屢欲奪路衝  
突李鴻章卽飭劉士奇等代統程學啟所部會同

郭松林等軍奮力進剿務將楊厓等處股匪迅卽  
掃蕩乘勝會攻常州並著左宗棠將攻克杭州及  
布置各情迅速奏聞仍督飭浙軍進克石門分兵  
替防嘉興海鹽等城以便李鴻章所部各軍併力  
剿辦蘇境之賊並蘇浙諸軍合力以取湖州漸次  
肅清蘇浙地方以慰廑念前由皖南竄入江西之  
賊窺伺建昌疊經韓進春席寶田等軍剿殺甚多

賊遁兜港蔓延新城南豐各鄉前旗已入廣昌地  
界思由甯都以窺贛州著沈葆楨督飭蔡應嵩等  
將城守嚴密布置以資捍禦並飭席寶田所統各  
軍跟蹤追剿總期就地翦除方爲妥善韓進春留  
於上湖嚴防回竄程學啟受傷曾否就痊正深垂  
念據李鴻章奏稱所傷極重服藥已有嚀機仍著  
飭令妥爲調理一經痊愈隨時奏聞

上諭內閣曰李鴻章奏攻克嘉興府城擒斬首逆詳細情形二月十五等日官軍進攻嘉興晝夜環擊轟塌城垣百餘丈十八日程學啟親督各軍豎梯登城致被槍傷劉士奇等率隊奮進以炸礮擊入城中火藥房賊衆駭亂劉秉璋等各率所部乘勢拔樁過濠由東南兩門攻入斃賊五千餘人餘賊思由西門出遁經陳有昇等分投截殺城內賊黨

悉就擒誅僞挺王劉得功被礮轟斃並搜獲僞榮  
王廖發受正法梟示當將嘉興府城克復勦辦甚  
屬得手提督程學啟身帶重傷克復郡城實屬出  
奇制勝謀勇兼資著賞給白玉翎管一枝白玉搬  
指一箇玉柄小刀一把荷包一對編修劉秉璋身  
先士卒克拔堅城著賞戴花翎署提督李朝斌常  
鎮通海道潘鼎新均著交部從優議敘

同日馮子材魁玉奏冒官軍自攻克白兔博洛  
水湖等處逆巢後南路馬陵一帶並無屯賊惟  
東路新豐魚干尙有逆壘三座互相犄角因飭  
總兵張文德等由甘棠橋進取二月二十七日  
張文德會同副將刁經明等馳抵新豐先將逆  
壘二處衝埽圍攻魚干逆巢轟擊一時之久斃  
賊無數遊擊鄭啟貴亦由丹徒帶兵策應時賊

中頭日久懷歸正乘官兵前後夾擊羣賊開壘  
乞降呈繳僞印軍械張文德察其情詞真切諭  
令一律薙髮臣等當飭張文德將老弱難民分  
別遣散其餘暫令安插一面派副將林從泰移  
紮新豐河西彈壓降人聯絡聲勢以防丹逆衝  
突查由鎮至丹徒水陸大道南以馬陵爲要隘  
東以新豐爲要隘沿途巢壘次第削平中間無



所梗阻探悉僞然王陳逆下竄江陰福山等處  
城賊雖有數千其勢頗蹙自應及時進取適當  
明阿派總兵層啟綸渡江而商會勦機宜臣等  
與之悉心籌畫擬分兵兩路一由新豐攻其北  
一由馬陵攻其西同時大舉仍察看賊勢如另  
有大股來援則南北兩軍隨機進剿互相策應  
臣等商定後已函請富明阿量撥勁旅卽日南

來會合進攻一面檄飭張文德統領鎮防各營  
取道馬陵穩紮穩進奏入

上諭曰前據曾國藩奏鮑超東壩之師進取丹句已  
寄諭馮子材等速派兵勇或進攻句容或分攻丹  
陽以牽賊勢茲覽該提督等奏攻克魚干逆壘進  
規丹陽各情與前諭適相脗合卽著飭令張文德  
及揚防渡江會剿之軍協力進攻與鮑超之師聯

絡夾擊迅奏膚公

十一日 辛亥 富明阿奏冒據馮子材詹啟給先後

函稟新豐魚干賊巢於二月二十七日經總兵  
張文德等督隊圍攻掃其二壘適遊擊鄭啟貴  
前往策應賊遂開營投誠一律薙髮丹陽附近  
賊巢均已次第勦撫正宜乘此規復請卽撥兵  
助勦並擬以鎮營兵勇由馬陵進取兼防西路

句容之賊揚營兵勇由新豐進攻分顧東路常州之賊等語臣當飭侍衛誦依楞阿等統帶馬步兵勇四千一百餘名又派參將柯永華帶勇四百名分起南渡與前撥鎮防之副將刁經明等所部四千名前後共八千數百名均交詹啟綸統率歸馮子材魁玉調遣會合鎮軍分路進取前竄福山逆衆均已折回欲糾大股分撲江

邊圖犯太平洲現踞江陰所屬之楊厓周莊花  
市一帶竄及長壽等處查此股賊匪因歸路已  
斷肆意焚掠如我軍趨重丹陽該逆勢必乘虛  
而北爲鋌走之計泰靖一帶早經節節布置現  
仍飭水師嚴防不准稍涉疏懈如江防十分喫  
緊卽酌撤南渡之軍沿江填紮以期南北兼顧  
再賊衆分援南岸難民紛紛北渡泰興土橋七

圩港一帶已有一萬餘人靖江尤甚殊堪憐憫  
當於臣廉俸內提銀二百兩先後撥存營米二  
百石並詹啟綸撥米一百石均交地方官接濟  
散給一面札飭防兵實力稽查毋許奸宄涵跡  
一面函咨吳棠及藩司萬啟琛飭令地方官趕  
緊設法賑濟妥爲安撫

富明阿又奏言據詹啟綸稟稱三月初二日帶

領馬隊由新豐一帶察看地勢直抵丹陽北門  
城外見城河寬闊內有木柵欄三道當卽揮令  
馬隊前往衝突逆衆率黨抗拒我軍開放洋槍  
擊斃悍賊數十名餘黨敗竄我軍乘勢追殺復  
斬首逆一名探聞丹陽踞逆勢頗驚惶等情查  
揚防續撥兵勇現已渡江臣仍飭該總兵合力  
進剿迅掃逆氛奏入

上命議政王軍機大臣傳諭曾國藩富明阿吳棠李鴻章馮子材魁玉曰前因曾國藩奏令鮑超移東壩之師進取句容丹陽一帶當諭富明阿馮子材等派兵會剿現在富明阿添派馬步隊渡江前後共八千數百名分路進取詹啟綸帶領馬隊由新豐直抵丹陽北門外頗有新獲然必須南北兩路會同攻擊剿辦較易得手鮑超一軍曾否進攻句



容坤或先取丹陽著曾國藩酌量調派務與鎮防  
各營聯絡聲勢迅速奏功如鮑超進偪句容兼防  
金陵城賊外竄卽著富明阿馮子材等督率諸軍  
察看丹陽地勢合力撓勦俾丹句踞匪不能互相  
援應自不難剋期攻拔揚防渡江兵勇旣經富明  
阿飭令聽馮子材等調遣馮子材等務當審度賊  
情穩紮穩進毋稍大意屯踞楊厘周莊花市之匪

竄及長壽等處肆意焚掠著李鴻章速派將弁實力掃蕩悉數殲除此股賊匪歸路已爲官軍截斷紙而走險勢必乘虛而北著富明阿嚴飭水師晝夜巡防如江防喫緊卽當酌撤南渡之軍沿江填紮力保裏下河完善之區難民紛紛北渡已有一萬數千人兵燹餘生殊堪憐憫現經富明阿捐廉籌米藉資接濟仍恐不敷散給著吳棠李鴻章督

飭藩司萬啟琛分飭各地方官設法賑濟毋令一夫失所仍令在防兵弁認真盤詰勿使奸宄潛跡同日左宗棠奏冒嘉興府城外賊壘經官軍攻克後蔣益澧派軍扼紮桐鄉之烏鎮雙橋湖州首逆僞普王楊輔青僞佑王李遠繼僞戴王黃呈忠等率黨數萬來犯蔣益澧派同知楊道治率所部馳往援剿令副將葉炳忠等同駐桐鄉

署杭州府知府陳思燭仍率團練偏嘉郡西南  
兩門以與蘇師聯絡二月初七初八初十等日  
湖州突來援賊經蔡元吉所部擊退該逆復糾  
合大股自烏鎮爐頭鎮三里街等處連營數十  
里直撲桐鄉西門蔡元吉楊道洽各率所部分  
攻爐頭鎮三里街賊壘蔡元吉奮力衝殺手受  
槍傷猶裹創血戰賊衆敗走我軍乘勢將爐頭

鎮三里街等處賊壘十餘座一律踏毀斃賊二千餘名生擒百餘名十六日李逆黃逆復率悍黨萬餘撲營營官楊家玉力戰受傷蔡元吉等督隊馳至鏖戰三時蔡元吉率親兵繞出賊後縱火猛擊賊陣始亂楊道洽揮所部夾擊共斬悍賊三百餘名落水淹斃者四五百名十七十八等日蔡元吉復率所部攻克陡門賊壘十九

日乘勢進攻烏鎮斃賊二三百名生擒百餘名  
餘賊悉向高橋萬年橋等處竄遁其嘉興府城  
經各軍痛勦於二月十七日晝夜環攻十八日  
轟塌北門城垣十餘丈蘇軍由東北兩門衝殺  
而入陳思燭督隊併力攻勦當將郡城克復臣  
維嘉興一府爲浙西腴地杭湖兩郡各逆復調  
悍黨赴援並冀擾動海甯桐鄉新復各州縣幸

賴蘇軍嚴扼東北兩面力破堅城俾平乍海鹽  
新復各區不致復遭擾害厥功甚偉在事出力  
員弁兵勇應由江蘇撫臣李鴻章保奏浙軍於  
收復海甯桐鄉後分守兩城復擊退杭湖會援  
嘉興之賊亦屬著有微勞四品翎頂蔡元吉及  
所部縱橫血戰勞績尤著可否由臣查明保奏  
之處出自

恩施

左宗棠又奏言杭州餘杭兩城經官軍晝夜環  
攻賊勢日蹙二月二十一日蔣益澧督水陸諸  
軍分路進攻鏖戰竟日力拔古蕩觀音塘堅壘  
十座斃賊無數生擒二百餘名復於饒頭山開  
放大礮轟塌城垛數丈其餘杭各軍於四鼓環  
攻城壘斃賊尤多次日復出隊猛攻賊衆齊出



官軍奮勇衝殺斃賊千餘名遙見杭城西南一帶濃煙四起知杭軍業已得手乃收隊而還其竄溇安威坪一股續圖竄越江西覘知浙軍截勦前股被創仍卽折回甯國縣大塔嶺下一帶復於十二日由甯國翻山竄入湖州孝豐縣南鄉現在江皖敗賊麕聚湖州如杭餘兩城得手自應迅圖湖州杜其回竄奏入

上命議政王軍機大臣傳諭左宗棠曰收復嘉興戰  
狀前據李鴻章奏報已明降諭旨宣示湖州大股  
援賊竄犯桐鄉烏鎮經蔣益澧調派各軍截剿獲  
勝破其堅壘餘賊竄遁並會合蘇軍攻克嘉興府  
城在事員弁均屬出力著左宗棠擇尤奏請獎勵  
惟嘉興克復後李鴻章派員留守並分守海鹽乍  
浦平湖各城現在江陰楊厘一帶尙有賊衆屯踞

常州尙未克復曾經諭令左宗棠分兵替防嘉興海鹽等城以便李鴻章所部各軍併力剿辦蘇境之賊著左宗棠仍遵前旨迅派得力將弁駐守各城俾蘇軍得以騰出兵力痛剿江陰踞賊進規常郡杭城是否收復著左宗棠確探情形迅速具奏江皖敗賊麤聚湖州如杭州餘杭均已克復卽著左宗棠督率全軍約會蘇軍迅圖湖州殲除巨憝

前次上竄江西之賊已至新城距閩省光邵一帶甚近左宗棠須會商徐宗幹調撥兵將嚴密布置不可令其竄擾完善降人蔡元吉自投誠後屢著戰功著以通判候選以示獎勵

同日劉蓉奏言漢南踞匪合股東竄其前隊扶端各逆會陸續由山陽竄往商南浙川一帶後路馬啟各逆聞漢陰有兵防禦皆由安漢交界

之鐵爐壩龍王廟北趨鎮安二月初二三等日  
折由穆王坪至安康屬之葉家坪楓溝等處屯  
踞一百八十餘里伺閒圖犯興安李雲麟飛調  
各營於漢陰安康交界之區扼要分紮以備截  
擊該逆分黨數萬出紫溪河東趨圖出景家莊  
茨溝口一帶旁抄興郡李雲麟飛調遊擊楊桂  
芳等營由松樹壩一帶迎勦初八初九兩日主

事管滂等擊賊於槐溝場殺斃百餘人賊勢稍挫李雲麟亦於初十日率隊由松樹壩之北分路設伏誘賊出勦生擒數十名該逆盡聚於茨溝口恃衆衝突十三日我軍直逼該處都司劉泰福等奮勇合擊鏖戰兩時擒斬數百名各營乘勝猛進追至東溝口西路兵團於先一夜乘賊不備偷襲茅溪賊營該逆自相驚擾越嶺而

逃於是馬逆一股四萬餘人皆狂竄而北其啟  
逆餘黨及石逆中旗一股尙遊弋於葉家坪一  
帶李雲麟飛飭西路各營進剿該逆於十八九  
等日由黑水河地方竄入鎮安境內興安以西  
肅清現在髮逆大股多由鎮安竄出商境而蔡  
逆衆約二萬又由鄖西上犯洵陽若不先將此  
股殄除誠慮勾結蔓延臣與李雲麟熟商擬以

該京堂所部各營分爲兩路一由洵陽之蜀河  
進一由安康之傅家河進而派英毅六營由鎮  
安徑趨山陽則聲勢更爲聯絡如馬啟各逆併  
力東竄則英毅六營由山陽跟追現紮商州之  
藍斯明一軍亦可分進是爲尾追之師李雲麟  
全軍俟將蔡逆破滅卽由水路順流下駛襄樊  
相機邀擊是爲攔截之師再得楚豫各軍迎頭



堵剿三路夾攻逆勢定就窮蹙查此賊裏脅之衆多係德安黃州襄陽之人如就襄陽截擊勢將解散今賊適由此路竄走則機勢可乘所慮山陽鎮安洵陽商南等處屢經賊擾米糧一空現擬由興安境內設法轉運奏入

上命議政王軍機大臣傳諭官文略秉章嚴樹森張之萬劉蓉李雲麟曰漢南踞匪東竄前隊扶端各

逆酋竄往商南浙川一帶後路馬啟各逆伺間圖  
犯興安經李雲麟調兵截勦敗賊於茨溝口茅溪  
等處馬逆一股狂竄而北其啟逆餘黨及石逆中  
旗一股亦經官軍擊退分道竄入鎮安蔡逆一股  
由鄖西上犯洵陽若不先將此股殄除勢必乘虛  
竄擾李雲麟卽督率所部與劉蓉所派湘果等營  
迅殄賊氛劉蓉仍恪遵前旨東下追賊以收夾擊

之效端扶各逆勢極剽悍疊諭楚豫兩省督撫派  
兵迎勦劉蓉李雲麟現擬分派各營三路並進李  
雲麟擬俟蔡逆破滅下駛襄樊相機邀擊著官文  
嚴樹森張之萬添派勁旅會合夾擊毋令賊蹤深  
入腹地髮逆裹脅之衆多係德安襄陽黃州之人  
未必甘心從逆楚軍如能嚴扼襄樊相機截勦則  
被脅者自必望風解散著官文等妥籌辦理